

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Sarasa, Alfonsus Antonius de
Antverpiae, 1664

§. V. Ne verò quis conqueri de Deo possit quòd haec permittat aut
immittat, ostenditur ob peccata populi, ab eo Regna fortunamque
transferri.

urn:nbn:de:hbz:466:1-13517

Pharaonis. Clamauit populus, secessionem fecit, ab omni ope-
re abstinuit, iugum excussum : & patientiam quam mandata Re-
gia, quantumuis dura non extorserant, Præfectorum licentia
penitus labefecit. Nihil habeo quod addam: vetera potius iuuat
recensere exempla, quæ ad manum sunt hodierna. Illud
mirari libet, quod veteribus non sapiamus malis. Quidquid id
sit, hoc sanè constat, duritiam nimiam imperantium, nimiam
quoque in dissimulando connuentiam, populos subiectos aut
exacerbare, aut in nimiam licentiam disoluere: cui cùm sero
adhibes medicinam, exacus malum, mederi cùm vis. Hinc ple-
bis querimoniaz, iustæ nonnumquam, iniustæ sçpissimè; hinc li-
beræ voces Regiæque Majestati iniuriæ; hinc seditiones; hinc
tarda, & quasi violenta obedientia; hinc subsidia quæ Regibus
præstantur parca, & non nisi per vim expressa; hinc denique
magna caput inter & membra dissentio. Quod cum sit, sanè
vtrumque perire, aut saltem languere necesse est. Hæc igitur
qui videt mala, ita secum statuat, Deum Rempublicam aut
perdere prorsus velle, aut felicitatem nimiam imminuere.

§. V.

*Ne verò quis conqueri de Deo possit quod hæc permittat aut im-
mittat, ostenditur iuste ob peccata populi, ab eo Regna fortu-
namque transferri.*

Bene hac
omnia
Deus per-
mittit, vt
peccata
puniat aut
in mode-
ratur.

31. **I**Ta quidem statuo, inquis; video prorsus, video imminutam
esse Regni Majestatem, opes abactas, luxatum Reipublicæ
statum, depressam dignitatem. Et hoc ipsum est quod me angit;
hic vlcus latet, eheu nimium animo infixum malum: patriæ
gemo, de cuius occasu male metuo. Verùm, vtcumque Reipub-
licæ studiosus sis, non sic tamen, vti credo, Patriæ vis esse pius,
Deo vt sis impius, aut certè iniurius. Minimè, inquis, itaque,
si id liquidò ostensum est, Deo auctore, hæc malorum futurorum
initia & quasi seminaria immitti aut permitti, vt Patriæ exorbitan-
tem felicitatem coercent; an id te meritò angat, quod sano
iustoque consilio statuit Deus? obesse is videt, quod nimium tur-
ges, sanguinem; quis igitur phlebotomiam vñæque sectionem,
egre

egre ferat adhiberi , quam sapientissimus præscribit medicus ? Queso ne actum agamus ; ostendimus superioribus dissertationibus, nihil non summâ accuratione à Deo fieri ; nihil non summâ deliberatione, & consilio decerni : modò, hæc ob quæ gemis mala, à Deo præscripta esse demonstratum est : quid yltra querimur ? quid angimur, quasi si iniuste hæc mala toleremus ? certè felicibus & bonis diu esse, per humanam imbecillitatem & malitiam non datur , vt luculentè pertractauimus. Itaque si felix haec tenus fuit Provincia, si opulenta, si viribus pollens ; certè aut malum iam contraxit , aut sanè prope est vt contrahat. Non contraxit , inquies , Religione viget Patria , & Fide , virtus in pretio est. Testantur id sacra & sancta, testantur templâ, testantur populorum ad ædes sacras confluxus & frequentia. Audio: id sane si ita est vt dicis, futuro tempori bene consulitur : felicitatem enim quæ iam in luxum abibat magnis passibus, paulisper Numen temperat, vt diu sani , vt diu boni sitis. Futuro itaque occurrit malo prudens Deus.

32. Verùm, quâ fronte dicere audebimus , nos malum non contraxisse, quod intra viscera Republicæ reconditum est ? Floreat sanè exterior vultus , sanitatemque præferant , qui videntur oculi; quid si interea interno calore depascantur viscera, & vlceribus putrescant , an manum à corpore abstinebit medicus , si toti corpori bene vult ? Foris appareat Religio , intus impietas dominatur ; in vultu modestia, in animo omnis impudicitia ; in plateis homines frugi sunt & Stoici, in domibus Epicuri de grege porci ; luce mediâ humani & modesti , in tenebris salaces & in omnem proiecti libidinem ; ore non nisi iustitia concrepatur, & nusquam minus quam in eorum conclauibus reperitur ; denique foris vultu prætenditur pietas , interea Deo rebellat suis appetitibus immersa mens. Et hæc quidem occulta vitia sunt, & abscondita, non tamen Deo, scelerata. Quid verd aperta commorem , & quæ omnium tenentur manibus oculisque ? non tam id iam ago, vt scelerata nimium eheu dominari demonstrè, quâm vt ea , Rerum publicarum depressione , Regnorumque nonnumquam ruinâ, meritò castigari denuntiem.

33. Neque tamen id à me denuntiari necesse est, quod toties se facturum minatus est, sceleribus irritatus Deus. Plenæ sunt sa-
cræ historiæ , plena Prophetarum oracula , quibus aut peccatis
Vide Deut. c. 26. totum

Et si scelerata non sine manifesta sunt sane multa occulta.

Scelerata ita punire Deum testatur Scriptura.

iræ intentantur, non nisi horrendis cladibus, vrbium subuersiō-
nibus, publicâque deuastatione expiandæ; aut etiam in scele-
rum vindictam, gentium integrarum crudeles omnino interne-
ciones, orbi exemplum futuræ, referuntur. Non est certè quod
nos palperimus miseri, & tamen contumaces: Dei id est oracu-
lum. *Regnum à gente in gentem transfertur propter iniustias,* *Judas concidit, quia lingua eorum, adiumentes* *Jerusalem diuersos dolos.* & rursus Isaías, ruit *corum contra Dominum, ut prouocarent oculos Majestatis eius....*
Væ impio in malum; retributio enim manuum eius fiet ei.

Judic. c. 1.
v. 14.
Ier. 5. v. 15.

Ecccl. 10.

*Ob scelera
populi sepe
patiuntur
Reges opti-
mi.*

*Surius in
eius vita.*

Neque profectò aliena incusemus scelera, sed detestemur no-
stra. Non Regum Principumque peccatis vñtrices adhiberi ma-
nus conqueramur; plebs enim sèpissimè in omne vitium proie-
cta est, & quod peccat populus, plectuntur sèpenumero Reges
etiam sanctissimi: exuuntur Regnis illi, dum subditorum faci-
nora iustitiam misericordi Deo vel inuito extorquent; pereunt
præclarissimi in acie Duces & exercitus, cum nimiâ luxuriâ ci-
uitates diffluunt. Sanctissimum quis neget fuisse Francorum
Regem Ludouicum? quis sanctissimam pro religione, contra
Saracenos egisse causam inficiabitur, cum florentissimas ex Eu-
ropâ copias in Syriam eduxit, Christiano nomini Religionique
à barbaris pessumdatæ, consulturus? & tamen tam bonam cau-
sam cum agit, morbis grassantibus ita eneruantur copiæ, vt ex
triginta duobus fortissimorum militum millibus, vix sex millia
superessent. Fugit itaque Rex, & tandem ipse cum duobus fra-
tribus Alfonso & Carolo, in Barbaras manus incidit, & in te-
trum carcerem abducitur sanctus Rex. An sua is peccata luit,
qui mortali scelere numquam contaminauerat castam mentem;
an verò luxuriantis Regni crimina? Fractus fuit, non tamen
infactus planè Ludouici animus. Vires resumit, rursusque piam
pro Christo acturus causam, classe validissimâ instructus Tun-
tanæ Saracenorum, etiam tum pyraterio infames, inuadit oras.
Exponit milites, castra explicat. Rursus ingenti peste exercitus
corripitur, quâ tandem Rex ipse cum Ioanne filio, miserè qui-
dem, sed tamen sanctissimè extinguitur. Eadem, tanto post tem-
poris interuallo, communem Christiani nominis hostem exactu-
rus, tentat littora; inuictissimus & verò etiam piissimus Impera-
tor Carolus Quintus: educit milites, non tam bella quâm victo-
rias

34.

rias circumferre solitos. Pallet Ottomannorum luna, & iam cornua contrahit; actum est de Algerio. Cum ecce validissima tempestas incumbit classi; colliduntur rates, & breuissimo temporis tractu, centum quinquaginta naues, cum vectoribus, impedimentis, tormentisque omnibus illico vndis absortentur, tota quae supererat classe fœdissime dilacerata. Omnes quotquot erant equi in mare deieci, ut homines transuehendos reliquæ classis caperent. Spectat ingentem cladem ex littore, numquam magis quam iam inuictus Carolus; nullumque gemitum exprimit fortuna tam aduersa, in causâ tamen adeo sanctâ. Illud tantum, se dignum ingeminat. *Fiat voluntas tua.* Alloquebatur certè maiorem se, se tamen etiam maior Carolus. An verò sanctissimos hosce Principes, sua luisse sceleris dixeris, an aliena?

Sandoual
in eius vi-
ta.

35. Quod verò non omnes Reges, Ludouicos esse dicis aut Carolos, non paucos esse Heliogabalos & Sardanapalos; fateor, ita est. Sed tales esse Reges, cum tales sunt, non nisi subditorum sceleribus imputandum est. Castigare eum vult Deus plebis mala, eiusmodi permittit ut sint capita, per quae toti corpori male fit. Infausta tu dicis consilia esse, quae perdunt Rempublicam; fateor id rursus. Sed infausta ut sint, id subditorum merentur sceleris. Viros habet præclarissimos Provincia, eos non audiri clamitas; verum id populi rursus merentur sceleris, quibus castigandis studiò incumbit Deus. Sceleris nostra sunt quae sanis consiliis intercedunt, sceleris sunt quae ea interuertunt, ne sceleribus fit impunitas.

Etsi illi
mali sunt
eos permit-
tit tales esse
Deus ob
sceleris pos-
puli.

36. Denique ne Ducum insolentiam; militumque ignauiam tanoperè argue malis publicis causam dare. Enim verò causam dant, sed ignauit quod sint milites, discordes Duces, dissolutus in omnem licentiam exercitus, hoc Provinciæ, quam poenas dare vult Deus, effecere sceleris. Tandem ab ignauo hoste fortissimi quod superemur, nostra faciunt vitia. Verissimum est illud Hieronymi, *Peccatis nostris barbari fortes sunt*, & ab ignauis castigari nos vult Deus, ut manifestior sit Dei sceleris vindicantis manus.

Vt & mi-
litum Du-
cumque
ignauiam.

<sup>5. Salu. 1.
7. de Pro-
vid.</sup> Quod sanè de Hispaniarum olim subuersione præclarè Diuus Saluianus exequitur, etiam id nunc est verissimum; Numquid non erant in omni terrarum orbe Barbari fortiores, quibus Hispani tradiderentur? multi absque dubio, imò ni fallor omnes. Sed ideo ille (Deus) infirmis hostibus cuncta tradidit, ut ostendat et scilicet,

not.

non vires valere sed causam; neque tunc ignauissimorum hostium fortitudine obrui, sed sola vitorum impuritate superari. Ut verè in nos venerit dictum illud, quod ait ad Judeos Dominus: secundum immunditas suas dicit secundum iniqüitates suas feci illis, dicit auerti faciem meam ab eis. Et rursus. Nec illos naturale robur fecit vincere, nec nos nature infirmitas vinci. Nemo sibi aliud persuadeat, nemo aliud arbitretur: sola nos morum nostrorum vitia vicerunt.

*Scelerata vi-
ctorum ho-
stium, suo
tempore
castigabit
Deus.*

Neque verò iam mihi quisquam tritum illud obiiciat, etiam apud hostes esse flagitia & sclera, multò etiam magis detestanda: contra omne fas mouere bellum, Hæreticos esse, Mahumetanos esse, Fidei Religionique rebelles. Sint sanè; sed hoc nostrum non est inquirere. Lustè interim quæ patimur toleramus: si non ab hostibus stet iustitia, à Deo certè stat. Suam is causam agit, per iniusta hostium arma. Impij erant Amorrhæi, idololatriæ Philistæi, & tamen eorum manibus castigandus datus est Israël. Interim, ut rectè Augustinus Non leteris impie vel Tyranno, quoniam virga vel flagellum efficeris. Nouit enim prudens Doctor, nec ignorat pius Pater, post castigationem promouere discipulum, dicit post debitam emendationem paternæ hereditati preficere filium, flagellum verò sive virgam, incendio flamarum comburere. Intērim, inquies, florent impij, viget hærefis, scelesti dominantur. Cur non illorum insolentiae frænum iniicitur? Ah miser! an igitur, ut rectè Augustinus Diebus tuis paucis vis impleri omnia? Aug. in Psal. 19. de ver. Dom.

Quæ omnia? ut damnentur omnes impij, dicit coronentur omnes pij? Psal. 19.

§. VI.

Itaque publicis malis acquiesce. quod ut facias, non clades ipsas, sed Deum auctorem, & peccataq; causam impellentem aspice.

Hoc itaque, si mente moueri non vis, inter tot tumultus, varietasque rerum imprimis age, ut in eas oculos non detorreas, obtutumque figas. Si quis rotam, quæ super axe celerrimè circum-